

金石萃編未刻稿

重修華嚴堂經本記 正書

碑長四尺六寸寬三尺
二十三行行三十五字

范陽逸人賈志道撰并書

至正改元夏四月有高麗國僧名慧月者因禮文殊大
士於五臺衲衣錫杖幽然脫俗路經房山縣西鄉里東
峯古梵剎名曰小西天華嚴堂其境清勝奇麗遠超市
井踈絕塵囂唯有志者居焉其堂并華嚴經本等十二
部皆石為之蓋有年矣真古今祝延

聖壽之域窮歲月綿延住僧雲至堂推經剝者有之唯
存基址焉寺僧傳曰

三藏經宿之處也慧月留止於此不旬日閱堂戶皆刻
曰釋迦如來正法偽法凡千五百餘歲迄貞觀二年已
浸末法七十五載時群住者從茲失導者衆有僧靜琬
隨為護正法率諸弟謹化檀越共結良緣苦行即茲山
頂刊經板不勝其數莫於曠劫濟度衆生蓋靜琬肇起
于此矣其境蒲條時有樵牧者憇焉經文殘缺者斯其
由矣慧月憫其石戶摧圯經本殘缺□然惜其將來浸
泯靜琬之功而安能復其初以斯感發化緣之念志堅
而心篤幸□□政院使資德大夫龍卜高公匠作院使

大夫黨住申公慧月拜禮詳陳其事公等允其言

興大功德布施淨財千餘緡命慧月施勞董工修石口
經本不月餘而俱□□得布施一毫不私於己聞者咸
曰施財者猶為易得人者實為難惟慧月則其入也不
□酒不茹葷儉衣食而絕物慾同歸善者幾人焉慧月
寧忘己勞而不沒人之能今立石以紀功德揚人之善
豈慕勳勳著己之功願言所過者化所存者功嘗謂人
曰事落成而吾適他矣豈久淹於此哉若值經廢之緣
興功者如是處佛門無愧矣同金玉局提領李持狀詳
其事刻諸石來謁其鐫予不獲已姑依命撫其實錄一
二云爾

嘗至正改元夏五月初八日高麗國比邱慧月立

石

大功德主 高龍卜院使 申黨住院使

山主斯滿

同緣功德主 也先不花太師 不花怙木兒摠

管 李摠管 五闡古提點禿滿達

同緣功德主 中政院使伯怙木兒 王丹夫人

同願僧 西域智諦 達而宝

補寫經板高麗國天台宗沙門達牧

金玉局提領李得全 李得 程仲玉刊

佑文成化之祠碑正書

碑長七尺七十寬三尺三寸十七行行三十八字

嘉議大夫前江西等處推茶都轉運使張國寶集顏魯公書

資善大夫陝西諸道行御史臺御史中丞趙成慶題額

帝君字名教中最有功自三代聖王不作古風頹靡天啓帝君職司內史凡天下嗣裔爵祿廢置予奪恢恢微晶之中德被六合力敵造化故歷代神降出則巨儒歿為明神尤孜孜以忠君孝親扶植斯文化淑民心為任

者又最大延祐中

天子下詔因舊封神文聖武孝德忠仁王冊尊為輔元
開化文昌司祿宏仁帝君廟有靈應而易新之曰佑文
成化之祠劍門原廟存焉蜀人虔事天下名卿鉅公賢
大夫士咸感帝君德善所在立祠秦中未有一日誠士
馮敬珪承厥考之遺言慕帝君之靈貺與子鏞乃捐己
財以卜善地得爽壇而營之勾工度材以壯厥居以安
神棲垣墉紆迂雄亘通衢夔棟穹隆翬飛數尺丹青赭
堊以壯侍衛錮鏤斧藻以美輪奐造焉者祇肅過焉者
悚懼凜凜其威人始知輔元開化文昌司祿宏仁帝君

之神祠也神以祠而見人之敬耳人以祠而知神之靈也
也因神之靈人起修省之心趨風結軌如萬折朝東羣
鳥趨鳳是祠不可謂無益矣敬珪堅恪誠心費力不怠
雖浮言所搖不改其志廟成越三季走詞成都愬予以
記夫道渙而爲氣氣運而爲精精變而爲神神化而爲
靈出乎自然者也維神也得自然之妙用顯不測之威
靈稟氣含精出入無間與道爲一與天爲徒如月在天
如水行地在周乃張仲孝友在晉爲亞子耳旣爲儒者
師乃補神之職彰明善惡進取賢能時若雨暘作新人
材弼國爲堯舜之君迪民爲雍熙之民校陰隲于忠孝

之場權其小大輕重而中持衡者乃分內事也人樂爲
之祠子特書以記至正癸未冬十月望錦城隱士張勤
撰

奉元路東關馮敬珪洎男鑄等立石

武林彈蓄記 正書

碑長四尺七寸寬三尺四寸共十六行每行四十字

至正二年四月一日杭城大蓄燬民廬舍四萬有奇明年五月四日又蓄作於車橋火流如烏宇如梧銜所指即矣勢且偏西湖書院在官正徒奔走莫遑救武守府守雖充而無所於用肅政司在院東於時憲副高昌幹藥公覃懷李公憲僉大名韓公知事廣平張公照磨睢陽張公齊面火扣首曰火寧焚予躬勿民災也言一脫口風從西北轉東南若有神幟煽而返者壽攸燭及院北垣即銷滅沉去又若金支赤蓋度河而溺也繇是院

與司皆按堵如故而城郭郊保賴以安全院之山長
陵錢瓊偕城中高年尋余西湖之陰請紀其事辭弗獲
則為之言曰迅矣哉天之以火警人也敏矣哉人之以
心迴天也當警攸之勢卷土而至雖水犀百萬之兵莫
能敵也而憲府官併心一念畢及于躬愛及乎民而反
風息火之應捷於景誓子產曰天道遠人道近人遂以
天為虛無曠邈不與人接不知其遠者在其道之近者
耳故閔蒙于菑而知有天道者以此於乎吾觀劉昆事
而徵於今仁人一念之利索於無為者固優於文城表
道之力夫火者哉宋璟都督廣州民居無延燬且為立

紀頌今風紀者之德為出政之本足以迴天弭變於其
乎知有天道固宜詳錄其官氏登諸貞石以風勵有民
社者使知人之感天者至敏而天之應人者至近不遠
也於是乎書賜進士出身承事郎前台州路天台縣尹
兼勸農事楊維禎撰文林郎江漸等處儒學副提舉陳
道書奉政大夫江浙等處儒學提舉班惟志篆蓋至正
三年十二月望日考儒朱慶宗張慶孫教導葉森姚潛
儒職葉寶孫張榮老咸明德陳珪殷宏毅家鼎孫范儉
孫陳垣孫吳禎直學朱儼莫維能學吏葉庭柱耆老呂
大滌徐承德沈從善張翥劉道隆顧德潤程德晉吳元

澤沈富仁蕭德誠等立石

刻者謝文炳

重建東嶽廟記 王書

碑高五尺半寬四尺五寸七
字共二十二行行四十字

前太平路儒學經師錢鐸撰

中大夫太平路總管兼管內勸農事胡國安書丹

中奉大夫江南諸道行御史臺治書侍御史秦從德

篆蓋

維五嶽分鎮天下各有分上東嶽品秩最尊是謂岱宗
界域既廣行祠故多當塗浮邱山其一也山雖未甚高
峻而神之靈則有功於民雨暘疾沴有禱必應一境之
內賴以寧謐嘗聞天子祭天下名山大川諸侯祭境內

山川為民求庇賴爾淳邛行祠宮塗一郡之司命嘉平
殿舊建于宋皇祐三年辛卯越政和三年甲午重行建
造惟哉

皇元混一以來至元統元年癸酉歲月既深棟宇朽腐
神弗安靈時郡守哈刺那海公凡治下廟宇損壞勸率
脩整郡人吳松山一鄉之望止居相近毅然出力以為
之倡眾因哀集以輔之及益以本廟香錢而用實不敷
翁志捐已財以終其事未幾而翁卒越三年至元丙子
淑明殿為融風所扇延及大殿與凡侑祀之所豈神厭
其卑陋而不肯居之耶殆天數之偶然爾至元四年戊

寅監縣遜都多公出已俸以為脩廟之資松山翁之子起之方爾慨父之成功中廢乃以繼志述事為責然而用材料視昔加數倍大率增多兩廡神祠殿宇地位脩廣宏濶故也經營量度晝夜不息懼無以惟父之初志黜聖丹漆多未備竭力數年而後成吁此一神居也吳氏父子不憚勤勞不吝資貨始之終之克成厥初厥矣福田利益之未有艾也且以太平一路言之所屬三縣戶幾十萬稟蒙神佑無一如吳氏之用心者豈不艱斯得乎以父子數載之勤勞起郡縣萬年之瞻敬集百狐腋而成一裘雖若藉衆美而緝緝組紉之功實多况又

補助其不及而卒臻於大成此繼志述事之大者人皆
義其所為是固宜書親舊間為立石以紀其事命余識
之余則以為有吳氏自述本末勒之堅珉矣奚庸贅然
亦不敢逆諸公之美意於是乎書

至正四年甲申建子月望日太平路醫學教授陸
子明學正朱□廣福禪寺住持釋惟益縣吏邵惟
德高年士民池文鮑紹祖湯迪馮天祥喻汝政儲
君良潘良輝楊□□□□胡□陸惟恭趙起元
朱絃潘勝祖黎德壽王顯宗喻子聰周仁溥杭元
壽丁安富陳德魁張立新蔡文通孫天麟立石

郡人駱義利

八九

重繪賢像記

正書

額篆書

碑連額長九尺寬三尺八寸十五行每行三十四字

夫聖人之道垂憲萬世歷代賢者莫不宗吾夫子以明於時故易象曰天地養萬物聖人養賢以及萬民顯之時大矣哉嘗謂有天下者自京師以及諸郡十室之邑千夫之長□不尊嚴廟貌消潔致祭以報本歷代及我皇元累封公侯伯爵冕旒章服各有等殺實聖人養賢於悠久而垂憲於萬世也至元甲申□州監郡與公德方創建大成廟貌繼設賢像以配神祀迄今六十年矣冕旒章服□色□落謁拜者見而靡不增嘆奉訓

其惠誠可紀也

至正四年歲次甲申仲冬吉日濟州儒學正孔克亮訓
導馬驥直學宋志學等立石

出任王惟恭謹刊

重繪賢像記碑陰題名

奉議大夫濟寧路濟州知州兼管本州諸軍奧魯

勸農事劉□

承事郎濟寧路同知濟州事史□懷

承事郎濟寧路濟州判官楊□賢

吏目賈彥 邢□

州吏曹瑞 陳公輔 曹世賢 王居敬 孟居

仁 樊克恭

州貼書張居信 鮑岫 肖義 李志行 吳玉

于德源

前濟州儒學正劉玟

濟州醫學正曹野

濟州陰陽學正陶景初

勅受大都路醫學教授谷璨崑

上都路桓州儒學正潘克敬

宗正府宣使高明

前濱州達魯花赤真佛律

前都水監奏差姜信

濟寧路司吏吳博文

旌表孝子古任魏鐸

濟州道門提舉胡道濟

濟州官門僧首吳朗吉祥

承事郎濟寧路任城縣尹兼管本縣諸軍與魯勸
農事崔謙

登仕郎濟寧路任城縣主簿曹師文

任城縣典史趙惟賢

縣司吏苟彥 孫好禮 李銑

貼書章謙 曷至剛 孟文楨

任城縣儒學教諭董信

任城縣儒學教諭趙惟舉

豐縣儒學教諭楊嘉

古任儒士范天驥 李好問

東昌路醫學教授謝伯寧

濟州驛提領徐懋 單敬

濟州儒學直陳素立 王思義

金州蒙古字學正賈希文

濟州儒士高暉祖 石工琢 鹿從禮 劉潤

李彥明 翟好問 沈道寧 郝鐸

慶都儒士劉從理 黃元叔 劉惟煥

邠州醫學正劉允中

濟州儒學 齋長陳素聲 齋諭高尊祖 禮生
章信道 禮生劉舜輔 學司馮誠 生員王尊
禮 禮生李守德 學生劉士敏 學生□信義
禮生王克忠 禮生劉允脩 執事生單元慶
門生徐臣忠 郝彥中 廟丁劉成

西臺御史留題 正書

石橫長二尺五寸寬一尺許四行行
七字前後小字各五行字數不等法出世平

教諭張洵書

西臺監察御史□吉台洪範偕書吏丁宜□□馴駕中
彥正審囚西道至興平知馬鬼去此不遠因感興乃述
口跡以紀歲月云

審獄西行暑正騎偶逢故老說前朝馬鬼坡下風聲慘
猶怨真如恨未銷

至正六年六月上幹

承事郎興平縣達魯花赤木□飛□

興教釋源道派之裔

奉政大夫華州知州劉文暉書

祖師唐三藏國師

大德圓測法師

大慈恩大法師

皇元興教第一代住持

宣授扶宗宏教大師釋源宗主號龍川

宣授真覺國師釋源宗主文才號松堂

資德大夫殊祥院使僧奘

榮祿大夫大司徒都摠攝統月高

光祿大夫大司徒釋源宗主法洪

慈惠廣惠大師僧弁

棲雲洪覺國師惠淵

至正六年九月上吉日院主惠海等建

大元初功德主兵馬都元帥太師秦國公劉

經律論師興教寺住持惠能

首初住持 智廣

尊宿 法興

僧衆

法御 惠璟

惠燦 惠

惠昌 行果

碑二面連頭長三尺五分
 一尺九寸上三行行八字下十一行行十五字
 一面寬一尺一寸五分上截
 已磨滅下七行行十一字法也

奉元路重修廟學記 正言柏象著

碑長四尺七寸寬四尺半寸
共三十一行每行六十二字

翰林侍講學士通奉大夫知制誥同脩

國史虞集撰

嘉議大夫禮部尚書王守誠書

中奉大夫陝西諸道行御史臺侍御史蘇天爵篆額

我國家龍飛 朔方奄有中夏

世祖皇帝既定大統人文聿興學校之設為急務奉元本京兆漢唐故都地望尤重是以分鎮於陝者平章廉公希憲參政尚公挺倉為嚴公忠範先後作成

宣聖廟儒學於郡東南有禮殿有儀門東西廡為從祀之舍殿後有石經之亭唐人石刻附焉儀門之外有齋宮外為都宮有棨星門此其大畧也時東平徐公珙方為行省左右司員外郎實記而刻諸石則至元十三年丙子之歲也其後陝西行中書省行臺皆治奉元有司校官治廟學無敢闕失會歲荐饑勿遑詰葺仍改至元之二季歲在丙子瞻思帖木兒不花為行臺御史乃建言曰今歲事有成民汜小康禮義之教需此為出歲行六十時其復矣以更治廟宇為請且曰從祀諸賢如國子監廟制皆塑像為宜臺端唯而從之相繼以就其功

者則御史李伯述何執禮李中蔡明安達爾諸君子教授則張冲也於是陝西行省行臺咸割公用以為之先豫王附而資以五千緡王傅官鞏昌帥府奉元路洎怯憐屯田二總管府下王郡邑率皆翕從好義之士聞風勸助者相續四月命二度材各給其直工傭之費稍廉之給凡為鈔貳萬緡如民間之通工易事無官府之援是以明年八月告成而民不知有是役也四年二月官又給費脩石經廊廡五年夏御史李中又計學廩之贏脩神厨倉屋更衣之室及提學官廨冬御史蔡明安達爾更建襍星門是年李御史巡行西道得豪民所侵

學田五十餘頃刻石著其疆畔租入之數以昇之學官
六年御史愛理溥化司廩以為學校之政既脩風紀之
效為大使學生姜碩以其事來徵予為文以為記噫前
有徐公之文在某何敢有所紀載於其後乎而二君知
集之先雍人也集其教不為雍之父兄子弟頌憲臺君
子之美而紀其成績推本闡陝道學之自以成諸君子
作成人才之意乎集聞之茲土也昔者周公嘗治而教
之矣禮樂其具也出之於宗廟朝廷之上行之乎學
校井田之閒因其秉彛好德之懿而詠歎夫天命之不
已因夫卦畫示人之蘊而發揮乎變通之無窮致嚴於

閉門衽席之微而推至于天地神明之著致察乎時物
衣食之末而究極乎輔成化育之功耕祿之均施之四
海而無不準也祭祀之違傳之子孫而無不保也三代
以降人文莫過焉世降俗易仲尼猶有不復夢見之歎
而況於千載之下乎漢唐之遺迹無復存者又何有於
教之可言邪昔二程子得周子之傳而起于洛邵子在
焉橫渠張子特起於關中其學一原也而尤有意於制
作之事焉程子言有闕雖麟趾之意而後可行周官之
法度此周公之遺意而張子之志也與正蒙之書學者
受讀訂頑之銘推極乎事親事天之誠而程子以為其

脩辭之不可及其勇知之所造非振古之豪傑孰能與此而其言曰貧富不均教養無法雖欲言治皆苟而已議與學者買田畫井正其經界不失公家之賦而立歛法廣儲蓄救災恤惠厚本抑末以見先王之遺意而當今可行之又曰今欲以正經為事自古聖賢莫不由此而始速者大者有所未及而可於家庭見之又曰學者且須識禮可以滋養德性集義養氣蓋有所據依即有常業可以見諸行事其端緒可見如此方是時聞洛相望表裏經緯孟子以來亦未有盛於此時者哉其為言也衣被天下後世至于今賴之詠歌周南者不亦歸求

而有餘乎

人廿一

世祖皇帝初年軍懷許文正公亦嘗與師友講明於斯
矣去之 朝廷儒者之效遂大見於當世而至元大德
之間猶有守志厲操之士高蹈深隱於其鄉 朝廷不
愛尊位顯爵以延致之以表式于四方聞其風而及其
門者亦多矣未必其寂然也夫其風氣四塞之固上厚
而水深其生人也質直而忠厚是以大王周公之教易
行焉仲尼所以贊諸易詠諸詩載之於書者莫非其事
至於闡洛諸君子而大明焉舍此無以為教矣學於斯
者思則公之為治以極于孔子之道因橫渠之學而博

通乎源流之原則化行俗美賢才衆多豈不於吾雍學
而見之乎詩曰南山有臺北山有萊樂只君子邦家之
基不有聖賢之道教則斯焉取斯乎請以復諸大夫君
子而與其都人士講焉

至正六年十月望日教授趙肅等立石

提舉司吏目雄惟中

學正王哲學錄牛珪

吏陳昂毛復禮

直學賈貞宋有宏趙恂

司書王仲賢

京兆何信刻

守誠字君寔著經世大典成拜陝西行臺監察御史
字法近虞世南合以虞文蘇頌可稱三絕

閩中金石記

人廿二

宏聖寺洪公塔記 正書

石長二尺四寸五分寬一尺五寸

五條共八行街十字狀如△△

大元特授光祿大夫大司徒釋源宗主大都壽安山大
昭孝宏聖寺領興教住持海覺澄照文慧大師雲麓洪
公之塔

昔至正八年歲次戊子季夏五月旦吉日嗣法門
人興教寺住持隱峯惠能建

尊宿

法興
法印

僧衆

□忠源
□

行果

行忠清
□惠深

□惠海
□

代祀記 行書

碑長五尺四寸寬二尺七寸
二十行行三十七字

至正八年秋七月廿日

上御灤京之水晶殿右丞相臣朵兒只左丞相臣太平
平章臣教化叅政臣孔思立

奏宣遣宣文閣授經郎臣董立以香酒乾羊致祭于曲

阜 孔子廟

制曰可乃

手香加

額致敬久之以授思立出

宣

旨命臣立消日而行爰以廿八日發程次月廿二日至

公闕里廿三日展敬林墓廿四日具儀廿五日臣立為
初獻衍聖公孔克堅為亞獻守臣濟寧路總管呂魯為
終獻知兗州臣劉思誠等備分奠丑初將事寅未而畢
遂會孔氏族黨饗胙于齋宮與坐者五十餘人衣冠威
儀抑抑濟濟之以感懌人心禮成衍聖公言使者奉

天子明命禮于先聖宜有紀以示後臣立伏惟

夫子之道高明博厚與天地偕世之三綱正而九法叙
皆其功德之福斯民也凡有天下國家者不容後其報
我

朝

列聖相承右文興化尊崇 夫子度越前代 殊

恩優典固已載于信史壽之金石迨于

皇上躬行仁義以為民極日

御經筵

緝熙

聖學宰相文臣又能啓沃以斯道之正其發 命遣使

夫豈徒然蓋以答 神之貺祈 神之祐庶世運于唐

虞三代之隆也然則凡為孔氏之後與夫與祭執事于

廟者可不體承

聖君賢相之美意以沐浴 聖化哉臣立敢拜手稽

首以是文諸石

至正八年八月二十九日五十五代孫曲阜縣尹

臣孔克欽

立石

古邾常琳刊

周從進等遊朝陽巖題記

石長二尺七寸寬二尺
行行十二字正書

至正九年歲在己丑仲春之月湖南僉憲周公從進按
部春陵贖舟二水偕掾史張冲謙馮禮卿遊郡之朝陽
巖尋幽索竒慷慨弔古風日和美品洞虛明恍若仙境
也因命刻石以紀勝游且誌歲月從行者總管牛中同
知野先海涯推官李讓經歷白鏞謹記 府吏李次舉

書

上元縣析澤治平寺佛殿碑銘 正書

碑長五尺七寸寬三尺三分二十五行行四十字

金源興化禪寺住持沙門伯玄撰

中順大夫秘書卿秦不華書

廣慈圓悟大禪師住持大龍翔集慶寺曇芳守忠篆
額

至正五年春予自溧水道迂徑山曇芳禪師住持大龍
翔集慶寺因館于寺之東菴析澤之位如龍錄其寺故
碑謁館所求紀佛殿成蹟且言故碑殘缺并欲擬其概
書之不獲辭按碑云寺建於宋營陽王義符景平元年

時有袂僧諷誦感龍獻泉之異原隰資以灌溉歲旱崇
宇有孳後於厄會昌墟其地南唐昇元間邑人陳于朝
復故址舉僧德謙主之謙道行聞於人人咸翼輔以作
興又得使智安協贊迄成精蓋於保大之歲殆將千載
今其里人陳公謙亨樂善有誠一日展敬于殿覩椽棟
將毀陸頤謂僧永遠曰聖人之居不加營為何以昭崇
祀廣教化吾其為新之可乎遠曰並憂殿之弊無所回
其新公奉諸心發諸口寺有幸矣公曰諾吾於殿若有
宿負殫吾力何辭捐貲一萬餘緡賦工度材經始於後
至正二年壬午夏落成於四年甲申冬象釋迦文殊普

賢衆聖位乎其中十八大聲聞列其左右殿之後位以
觀音大士凡供具皆新之復施田給香燈以計永久其
志勤矣竊惟法教東被世濟其道入知嚮方反乎生而
靜者其陰翊王度非刑賞懲勸之所能然固其中而不
知為之者猶化工之於物也故象教昭代所尊事公信
道不回悟物俱多思植善本以廣教源爰俾茲山移為
靈驚人之至於是而有所觀感者豈小補哉嘗謂世之
事居積者豪駿之利不輕出雖已之所當為猶忍而不
為矧冒急他人之所欲為乎是其為利之計重樂善之
心輕耳曾不知久則已且不能有而欲傳諸後後之賢

否或失厥守覆厥有者多矣視公之為可謂 而能散
豈不韙歟或曰施報之理何如應之曰辟夫播嘉穀之
種吾知其不為稊稗也審矣然權於冥冥者非乃所知
公字遜卿為之銘曰

煌煌大教西而東爰以漸頓開羣蒙神僧誦課精識通
倏忽雲氣下飛龍靈泉浩浩來無窮旱乾雪禱成年豐
民荅惠利巖祠宮會昌鞠為荆榛叢父老咨嘆陳靈
昇元保大復厥功迨我

皇元極優崇幢刹綦布俱隆陳公作殿叢深裏夜摩觀
史移曾空玉豪金相光矐矐一念無初復無終超入佛

境功行融朝昏鐘磬鼓與鐘法音遊暢宣
皇風

至正九年己丑歲四月吉日建住持沙門僧如定
立石

監造僧德珎 永如

義田記 正書

晉陵錢公輔謨 院四
二十一年中何持修三陽合刻書正書在吳縣文正書

吳興趙雜書

范文正公蘇人也平生好施與擇其親而貧踈而賢者
咸施之方貴顯時於其里中買負郭常稔之田千畝號
曰義田以養濟羣族族之人日有食歲有衣嫁娶凶葬
皆有贍擇族之長而賢者一人主其計而時其出納焉
日食人米一升歲衣人一緡嫁女者錢五十千娶婦者
二十千再嫁者三十千再娶者十五千葬者如再嫁之

數莫勇者十千族之聚者九十口歲入粳稻八百斛以
其所入給其所聚需然有餘而無窮仕而家居俟代者
預焉仕而之官者罷其給此其大較也初公之未貴顯
也嘗有志於是矣而力未之逮者二十年既而為西帥
以至於叅大政於是始有祿賜之人而終其志公既歿
後世子孫至今備其業承其志如公存也公雖位充祿
厚而貧終其身歿之日身無以為歛子無以為喪惟以
施賢活族之仁遺其子而已昔晏平仲獎車贏馬以朝
陳桓子觴之曰君位之上卿祿之百萬而獎車贏馬是
隱君之賜也晏子曰自臣之貴父之族無不乘車者毋

之族無不足於衣食者妻之族無凍餒者齊國之士待
臣而舉火者三百餘家如此為隱君之賜乎彰君之賜
乎於是齊侯以晏子之騶而觴桓子子嘗愛晏子好仁
齊侯知賢而桓子服義也又愛晏子之仁有等級而言
有次序也先父族次母族次妻族而後及疎遠之賢孟
子曰親親而仁民仁民而愛物晏子為近之今觀文正
公之義其與晏子比肩矣然晏子之仁止於生前而文
正公之義垂於身後其規模遠舉又疑其過之嗟乎口
人人三公位享萬鍾祿其郎第之雄與馬之盛聲色
之侈妻孥之富心乎一己而族之人不得其門而入者

豈少哉况於施賢乎其下為卿為大夫為士而廩稍之
充奉養之庠足乎一已而族之人搢臺馭為溝中瘠者
又豈少哉况於調人乎是皆文正公之罪人也公之忠
義滿朝廷事業滿邊陲功名滿天下後必有良史書之
者予可無書也獨書其義田以警於世云

舊本刻于天平山忠烈廟中有脫簡文英庚午歲任
湖州安定山長求趙文敏公子仲稔書此本謹刻于
書院忠厚堂之前廡以永其傳寵集至正庚寅孟秋
七月望日主宗祀八世孫文英識

裔孫伯仁摹勒

奉元路圓通觀音寺記

正考

碑刻于後周武成年造像之陰凡

長四尺五寸
寬三尺五寸

陝西廉訪司廉訪使韓勒海壽謨

璧峯禪師石寶金書

嘗謂吾儒與釋氏如陰陽晝夜每每相反然日為陽而明於晝月為陰而明於夜實並行而不相悖焉圓通佛氏均謂之釋特陰陽之不同耳故其法曰末法禪曰左禪其化人示驗如日月之光不可偏廢人亦不得而過之非徒不過又從而崇信之有由然矣奉元路東郊之北有何祿氏者世居斯地往來江湖間衣食淡遇窮

困顛連濟施不吝人皆稱號溥惠長者一日在金山從
法義禪師授華嚴義奉菩薩戒滋久益嚴嘗手抄楞嚴
法華華嚴普門品經凡數百卷朝夕稱念佛菩薩號每
千百數歸莊率衆供僧每以千數又作龍華之因習天
台賢首二教退則跪誦繙大藏經身不曠禮口不絕聲
祁寒暑雨如是不怠至正二年壬午日食之夜忽見東
南隅有祥光五色如雲聚集不散人皆異之次日再觀
光亦如是乃率善衆掘得石菩薩一尊容體衣紋宛如
天成遠近來觀咸以何氏信心感召成此地舊為寺基
秘久呈現事聞

安西王尋亦感夢果如所聞乃命比邱如海同發善心
為修造主於是合衆施為殿藏閣寮前庖後寢凡費六
百萬工始癸未之春訖庚寅之秋歷七年而後成檀越
李萬成等又共施三百萬為二佛六菩薩十八大士群
衛之像遂為一方具瞻信今述古吾儒之事璧峯之言
諒不我誣昔終南石佛放光程簿拒而不往曹卒偶得
佛指終身破臂以藏佛菩薩之靈異儒俗之信否古今
人一也獨何祿氏等事釋之誠抄經之苦不亦為世之
強梗者勸哉吾竊附韓文公通大顛之書陳止齋跋徐
夫人寫佛經之卷乃承

王命為壁峯復之俾後世知備寺之因肇於此云

大元至正十一年歲次辛卯二月甲寅日立石

至正十一年進士

此今未對

石約長四尺五寸寬約三尺四寸
三十二行行四十九字或五十字

至正十一年歲在辛卯二月天下貢士三百同國子生
首百二十人會試京師知貢舉官正奉大夫中書知政
事同知 經 策試 翰林大夫左司郎中 提

崇文少監正中大夫同檢校 籍事兼 經 春官

周伯綺 宣文閣監書博士承德郎兼 制誥兼 國

史院編脩官提翰監試官奉訓大夫監察御史大都承

直郎監察御史張士堅中選者脫回香華李國鳳國學

生席都御試提調官光祿大夫中書平章事知經 事

提調都水監定住請卷官資善大夫中書左丞同知
經筵事翰林學士 太子諭德季好文亞中
大夫叅議中書省事兼經筵官為古孫良楨翰林侍制
林郎兼國史院編脩官吳需監試官

海考

事所對以聞 制河賜篇列圖文允中等進士第三
月十二日 崇天門唱名放榜四月十七日授官賜袍笏
二十七日宣 一員其賢備拱承務郎為列圖等上表
謝 恩翼 宰執于中書者遂賜 恩祭宴于翰林
國史院押宴官中書左丞翰元善 請國子監釋菜于
先聖先師題名國子監

蒙古色目

第一甲

朵列圖

第二甲

善林速

札刺歹

買間

話携王里

達爾帖木兒

第三甲

普延台

忽都

伯顏溥化

台

脫因喜化

哈質

安檀不花

奇顏帖瑪

兒

相翰織理

榮傳

拜住

野仙

沙宵

舜禹

安準溥

元哲都

萬劫

完者不化

伯顏

溥顏

音類溥

伯顏帖木兒

寶齊

沙的

達齊帖漢兒

宋也

漢人南人

第一甲

文允中

第二甲

吳裕

張守正

蕭光鳳

馬

翼

洪衷

第三甲

宋貞

盛景季

李國鳳

梁翠

王猷

李夢符

許汝

陳顯珠

朱徽簿

嚴瑄

朱正

方德至

蕭受五

張春

張恒

何淑成

秦惟質

劉承直

孫有

孫連

孫克敬

呂誠藻

蒙大魯

翁復吉

賈元坤

魯洲

穆國儒

潘從善

陶資

向竦堅

郭德潤

裴遠

曹

吳弼

正議大夫國子監祭酒魯郡王思誠記奉訓大夫
國子監丞臨川南正文煒篆

太上老君日用妙經 正書

石橫長二尺五寸寬一尺八寸
八分十六行每行四句陝西華州

敬天地 重日月 懼國法 孝父母 上謙謹 下

和睦 好事行 惡事止 成人學 破人斷 高知

危 滿知溢 靜常安 儉常足 慎無憂 忍無辱

去奢華 務真實 掩人非 揚人德 行方便

和鄰里 親賢善 遠聲色 貧守分 富施惠 行

平等 休倚勢 長克己 莫讒妬 少慳貪 除狡

猾 逢冤解 積人行 許不違 結有信 念孤寡

濟貧困 救危難 積陰德 行慈善 休殺生

聽忠言 莫欺心 依此行 必超昇

大元至正歲次壬辰孟夏上吉日

從仕郎藍屋縣達魯花赤兼管本縣諸軍與魯勸
農事定安於終南山道祖說經臺立石

草堂寺詩行書

碑長一尺五寸寬二尺六寸
共十五行各行字數不等

雪菴溥光

終南草堂寺為天下之名藍以什師圭峰二大士之故
也野衲來秦中幸獲一遊亦所謂還盡平生願見者之
一也勉為二絕句書以遺寺主應公法師

草堂名刹歲年深

三藏談經事莫尋唯有千章雲木在風來猶作海潮音
圭峰去世幾經春道價光輝四海新要識

吾師真面目晴嵐萬丈照西秦

大元至正壬辰四月望日住持沙門 志通上石

往見茶勝書乃雷師所書出入顏蘇殊有雅致然稍覺拘束乏自得之趣及見師草堂再題圓融妙麗法兼晉唐始悉其有襟韞藉有龍跳席卧之槩蓋于宗門法旨靡不貫通故于詞章筆畫戡為餘事真足以來有道之歸仰也而什主二師流風遺韻足以興起後人者亦彷彿想象之今後不復以僧書槩茶勝矣

林快事

先師茶勝為世白眉乃根自魯公而兼之長公者耳茲見其行筆詩帖清勁自得具妙又出于筆墨之外

者名不虛成也然詩言遇雨而謂二師之憐而洒之
夫而洵法水抑妄得心而洒之心有可洒其屢可知
是必待雨洒而雨待以洒之宜也題曰自警豈亦有
所歎而然邪謂予不信請看二碑

墨林快事

雪庵詩石凡二又一石為軒堂值雪詩行書前書衛
尉副使與屯公留題名不可辨書史會要溥光字元
暉號雪庵俗姓李氏特封昭文館大學士賜號元悟
大師

關中金石記

三蘇先生祠堂之記 正書

碑連額長七尺八寸寬三尺二寸五分二十五行行五十三字

鄉貢進士曹師可撰

省除額上縣理儒學正曹彬書

承事郎南陽府郊縣尹兼管本縣諸軍與魯勸農事
楊允題額

故宋三蘇先生乃蜀之眉州人因號眉山自是以往游宦四方隨其所居而各立號焉老泉其父也東坡穎濱其子也俱歷仕於仁英神哲之朝其文章□事高冠於當世炳炳焉與日月爭光巍巍焉與山嶽並秀論其志

則浩然剛大之氣塞乎天地論其心則粹然忠義之德
動乎鬼神真一代英偉之器經濟之才者也昔東坡先
生由黃而來為汝之團練副使然相其風土於郡治之
東約六十五里鄉曰釣臺里曰上瑞有山曰□其背
也雄峙危陽其□也清流汝□觀其形勝適可以為宅
兆之佳者至於紹聖章惇為相以元祐黨論謫居南海
既而詔至毗陵因病以書屬弟子由曰吾死葬之於汝
既卒由是而安措之厥後穎濱先生卒亦葬於斯焉噫
自昔至今歷世幾四百年矣景繁然兩塚卧於荒煙古
木之間可勝慨哉洪惟我

皇元以人文治天下東浙西被朔南豎聲教其致治之
威則遠婉克舜而高秩漢□矣

廷紳奏請褒崇歷代先賢至順間以禮部□文行下邳
縣於墳之□□僅十里有薛店當東西街要樹石以表
之曰眉山兩蘇先生神通然老泉不與焉為其捐館寃
寃不在於斯故也邳之為縣一始於大德甲辰設立迄
今五十餘年所歷監縣縣尹簿尉不為不多然其間了
無一人惻然動念請立祠堂為舉至正庚寅冬十月縣
尹楊公到任視事三日遍謁諸祠□□畢公詢諸耆舊而
言曰吾奉

朝廷選擇□□來尹是邦禮宜告廟今乃縣治雖小疆
土不及百里豈無前代之賢乎者雋翁曰距縣治西約
以三十餘里有東坡潁濱兩先生之□盍往馬公曰
信翌日率領僚屬躬詣致奠□彼四顧寂寥惟有看墳
廣慶□在□公□住持僧從懋語之曰古昔聖人制禮
有其墳必有其廟墳以安措廟以薦享二者不可無□
也既有先賢塋壙而無先賢祠堂可乎□□春秋之祭
朔望之薦瓊歆而孰享哉况□□□□衣□之所需食
用之所費皆出於先賢□墳地土之所供也其不報德
可乎僧從懋合掌□頭感悟斯言遂擇日鳩工□材木

陶甃甃甃然起祠堂四楹於梵宮之北塑繪老泉先生
儀像居以南面暨東坡穎濱兩先生左右侍焉故題其
額曰三蘇先生祠堂是堂也經營於至正辛卯□月之
秋落成於至正壬辰三月之春功既告成邨之士夫咸
曰賢矣哉縣尹楊公也知人所不能知謂之智行人所
不能行謂之仁既仁且智抑亦能使三蘇先生之神安
○於○題畫棟之堂時享於攝搏蘋豆之祭非□□□
而誰力後之縣大夫來告來薦未必不自此始若不壽
石以彰其德將何以遺後世□□□命僧從懋求文於
余以為記余曰嗚呼三蘇先生宋之大儒也名賢也學

術之。博德業之崇大而其立言著書尤照簡冊則古今士君子之所共知而共聞者也。奚庸余言之贅。雖然。既無。致斯文之在茲。義不獲辭。略為是記。

至正十二年。月。日。住持僧從懋立石。

邳縣督藝僧首劉提點邳縣作頭表誠范太

畫工田子新。型匠張天秀。石工梁棟鵠。

文稱東坡墓在釣臺。如上瑞里。又云至順間禮部行文下邳縣。于墓之東南十里。歸店樹石以表之。曰眉山。兩蘇先生神道。又云邳縣大德甲辰。置祠為縣尹楊公建。名字無攷。攷文于過傳云。賦卒于常州。過英。

汝州郟城小峨眉山遂家類昌中州金石記

人研五

重修雷公亞父廟記 正書 劉家書

碑長六尺五寸寬二尺七寸
共二十五行每行三十五字

鄉貢進士彭銜潘懋撰并題額書丹

蓋聞靈顯於世澤施於民而又禦災捍患

聖天子必為之制之以祭祀封之以爵位建之以祠宇
使之奠位一方以為民之歲時祈福之所此誠故邑雷
公亞父神之謂也原神之出而記未載詢諸故老而語
相符接生而正直化而為神吾彭銜之土神也雷縣之
東地踰半舍里曰雷祥祥諱也今日公即神之家廟也
人昔見曳杖於阡陌鬚眉如霜素冠蒼衣逍遙相羊而

莫知其誰何恭睹厥像惟肖意此神之顯化適意於田
園之境也耶境內蝗食民之禾稼禱之而蝗自除冠竊
民之財物禱之而寇即獲以至俾瘠者言實有濟於斯
民諒無禱而不應此真不負

天朝加封致祀之美意也里人趙思誠高林等曉其年
深歷宋踰金廟貌頽毀瓦裂椽踈風雨不能蔽牛羊牧
踐而已於是遂勤羸體共起虔誠會衆合議鳩錢督工
市諸材木通力併功舊殿敝者正之敗者易之又初起
兩廊築樓壹拾柒楹既又點硃施青堊瓦牖辟洎門庭
階凡綠垣無不畢整使其蒼牙高啄金碧相輝像設儼

然侍衛恪然未踰數月輪奐一新觀天地域堦堦樹林
蔚鬱遠則睹雲煙之閉合面揖金粟背倚黃龍左環洛
水右控神峰近則愕走虬以盤蛟岡原為之翼拱漢池
為之傍依巍々馬輝輝馬恍若廣寒之天府蓬瀛之仙
宮真一方之勝境有氣象之萬千非徒為觀視之美使
過之者有所參禮而居民千百世獻誠之地也經始於
庚歲夏落成於冬思誠等欲勒諸石以垂永久懇予為
記予因而固讓曰君等之功易故登新更瓦礫荆棘為
福場非一朝一夕之計實綿遠而流芳彼見義不為者
固不可同年而語也予何人哉敢譜神之德澤君之是

功耶其請愈堅辭不獲已姑書興造之始末繼之以詩
曰

瞻彼神祠

懿衛之東

寥寥年深

荆棘之業

修

增舊制

氣象允維

峻極于天

曰神故宮

民祓

德澤

禦盜捕蟲

樂我農業

黍稷獲豐

瘥者復

言

靈其有通

擬周班爵

明王之封

主我邦土

亞父雷公

我倉既盈

我庾惟充

歲時香火

報

神之功

石著光輝

萬世無窮

昔大元至正十二年歲次壬辰十一月望日立石

本村高政施鈔壹拾兩

聖書碑陰 正書

碑字長二尺六寸寬二尺二寸作向嵌上嵌
共二十六行行二十五字下嵌道衆署名

洪惟我

陝西藍屋

太祖皇帝龍興朔方建億載無疆之業首

詔長春子以師禮尊崇而開修治齊平之道

世祖皇帝混一六合培萬世不拔之基 褒崇

聖教雅慕元風

即位之六年追贈五祖七真為帝君真君真人之號明
年

宸命易古樓觀為太清宮聖宮在終南山之陰天下一

福地之宮之始自姬周之世以歷運會二千三百有餘

歲矣言乃

文始仙伯尹氏之故居

太上混元上德皇帝說經駐車之瓊館代尊崇繩
相繼

國朝以來

聖壽傳道

聖書護持仙跡以祈

福祐

列聖繼作用帝克承欽惟

聖天子以聰明睿智之資寬裕溫柔之德樂善而愛民
神武而不殺在位之二年亦錫

重書護持琳宇

聖聖協心以隆法界可謂奉

大道至尊垂世立

教之功俾道俗尤重於歸依也由是教日益興善日益進寔乃

天錫

聖澤以光

仙境衆咸向化然有善地生

善人必有德望之羽士同獲宿緣所以造茲榮幸於佳持之所豈不偉歟豈不偉歟

奉命編年而達照湮沒刊之琬琰用紀無窮言之提點唐道明謹識

至正十三年春正月

吉日建

下截

提點

馬道安

胥德□

龐德元

唐道和

公道和

提舉

周德慶

張元玉

知宮

楊德榮

李德祿

三原縣重修廟學記

正高顯作重修文廟之記篆書

碑通高長五尺六寸五分寬二尺七寸共二十行行三十六字

原

勅授慶陽府儒學教授安夢齡撰

進士段惟新篆

鄉貢進士唐茂□書

至正庚寅夏四月李公承事朱尹是邑越明季德政洋溢少長懷安發號出令人咸服信公乃謂監邑也速迭兒判簿傳繼祖墓賓仵希中曰

三皇

宣聖繼天立極開萬世之太平其所以衣

食仁義我民備載典冊固不容贅言凡吾之戴天履地

中處並立由委而源可不自知矧我革奉

朝庭命官以守令職以撫字究本報稱其仕當如何今

三皇

宣聖廟貌學古書院殿宇歲久敝荒兩

廡破漏棟宇弗支垣墉傾頽至以土壘共本胡不厚顏
哉或增或改此惟其時金曰善於是割俸售材鳩工命
匠功役之用弗預於民推朽者架棟深圯壞者新柱礎
峻口楹飾壁宇洞敞豁達以安神棲繪賢像儼靈星教
育講授庠舍整肅百廢具舉奐然一新過者企觀甲諸
昔時自經始至於工畢近於半載以問計者凡若干公
吏聳聽士庶忻忭以舍萊禮而落成焉山長張訥縣學

諭胡福等狀事徵記僕自揆忝屬編儒陋於為文辭切
請報屢不獲已乃諾述事實用傳將來公素以經明行
脩詩文典雅為閩中推重及臨政任德緩刑輕徭薄賦
沉思果斷明察秋毫三季之間閩境之民俱有召父杜
母之稱雖隣邑遠縣亦深知公之所操持所施設出於
至誠而心乎愛民也其劬農興學均差理訟屏除姦盜
飲散常平凡約束群吏處置多方在任政事德惠去後
群黎見思會待吾鄉之士大夫者皆琢石勒辭大書屢
書不一書而止也於此不復致其詳至論增飾地其常
事之云爾雖然苟不紀其由曷示來哲至正癸巳清和

節聖日記

至正癸卯奉元路三原縣儒學教諭胡福立石

兩金趙懋男趙恒刊

元伯顏忽都公墓碑正書額書大元二字

碑連額長六尺六寸寬二尺九寸中書大字二行行十一字左小字二行共三十字右小字一行十三字

故資善大夫燕南河北道肅政廉訪使伯顏忽都公之

塋

左長男文林郎歸德府同知亳州寧安住

立

次男丞直郎中書戶部員外郎月魯

右至正十三年夏五月 日

完顏恭錫

濟寧路重脩文廟碑

正書

編篆書

碑長七尺四寸寬三尺五寸十八行每行三十五字

宣聖五十五代徐中奉大夫襲封衍聖公孔克堅撰
將仕佐郎江陰州知事劉謙書

通奉大夫湖東道肅政廉訪使胡祖廣篆額

維十有三年春三月丙子朝請大夫濟寧路總管王侯
德將出守茲郡未及半載載瞻泮宮歲久就地教法弗
張學徒益解州固魯邦四方所望郡治直西有河決之
害徙往而東化州為郡文學弗崇何以示化 元興承
平幾百年物感氣極牙斯孽矣蜂屯鼠啾呼聚謀首

城尾應相扇繼起大群攻城邑小羣肆剽劫大軍行誅
至于今未弭郡當南北要衝軍興儲峙饗饋之需砥鍛
捆紬之具康康恒懼乏弗繼俟於此時乃能殲志斯事
獨有其功可謂難矣 大成殿既集次而庶若門若堂
若尊經閣若塙若塗既斷既劇既礮既甃乃烈乃堊乃
堊乃茨凡用至正新幣二百疋准錢緡千以三月八日
經始六月廿日訖工作凡百日罷請立石刻其文曰
若昔魯僖能作泮宮史臣克作頌以頌其功遂荒徐宅
莫不率從王侯作守寔維魯邦徐戎方殄淮夷繼起大
軍行誅三歲未弭芻芟山堆搜糧阜序恒懼乏弗給重

獲罪以死侯以其間作廟有翼戈甲如林不懈益力俾
四方觀者知其為禮義之國庶化兇戾及彼蠻貊因茲
羊面豈曰無益僖既得頌侯亦思紹馴梗為柔罔不在
教請刻此石光垂 宮廟

至正十三年八月吉日濟寧路儒學教授孔思善學正
楊家奴學錄徐理立石

李王刊

李王刻

濟寧路重修文廟碑陰題名

通奉大夫濟寧路總管府達魯花赤兼本路諸軍
奧魯總管府達魯花赤管內勸農事知河防事普
化

武德將軍濟寧路總管府達魯花赤兼本路諸軍
奧魯總管府達魯花赤管內勸農事知河防事呂
頭

中議大夫濟寧路總管兼管本路諸軍奧魯管內
勸農事知河防事楊惠

奉政大夫同知濟寧路總管府事實棟

奉議大夫濟寧路總管府判官張中行

承務郎濟寧路總管府判官伯顏察兒

承直郎濟寧路總管府判官伏不花

承直郎濟寧路總管府推官石文蔚

從仕郎濟寧路總管府經歷王恭

從仕郎濟寧路總管府經歷馮允初

將仕郎濟寧路總管府知事孫伯善

濟寧路總管府提控素牘兼照磨承發架圍王士

孚

譯史王郁 通事伯顏察兒 濟寧路司獄莫利

用

司史樊嗣宗 胡居仁 郝郁口 楊士彬 口

導禮、馮守道 王纘 劉惟古 馮時吉 朱

思口 董日新 李居仁 馬志仁 范欽祖

翟國臣 嚴明善

督工官吏石佛開提領張文英 東昌路錄事司

判官孫復禮 義士田榮賀天祐

任城縣達魯花赤脫脫木兒 孫尹王均 孫尹

張廷瑞 主簿大都律 典史劉允中 司吏賈

誠

任城縣儒學教諭楊嘉 河南憲司書吏曹偉

山東憲司書吏吳博文

濟寧路口口口教授于顯 濟寧路蒙古字學正

哈利歹

前本路直學徐珪 直學朱士安 前學司柳元
亮 學司班時中

寶珠山林仁壽之碑

行書

碑長一尺五寸五分五分
五分二十三行行五十七字

中奉大夫雲南諸路行中書省叅知政事述律杰撰
中順大夫四川等處行中書省郎中王士點篆

古鄴圍城之右西山之阿有邑曰石辟衝其閉而襄陵
漫入幽谷樹林茂鬱窈而深奧三百式喬木陰森湍流
鳴玉如在塵寰之表也又徑直而臨一里餘高門崇牕
階城岷岫扁曰寶珠紺殿巍峨臺棟環俾金光熠爚眩
賊心目恍若觀史之境像

擇迎如來以位其中菩薩左右八部四周一顧儼然咸

生敬仰俾鄙恪頓消使凡情之且格會龍像有丈室擬
選佛有僧堂衆香之厨宣明之室蘭若所需固不備具
瑞氣霽於巖隈祥風披於澗曲此乃慈雲靜公禪師自
玉素以來新勸率本邑人楊阿左黎長大師忠董實董
慶宗王松張宗尹生等兼募昆城檀信同力之所創也
寺后巖頭有瀑泉飛流百丈如垂萬索珠簾之狀雖天
造地設之神異非公之□尋人莫可知也經始於至治
辛酉之嘉平落成於泰定丁卯之始洗上祝

聖天子萬年之壽下祈黎元共享之樂也公厥祖居滇
生而天質淳粹行潔圭璧德角之齡頓悟紛華終歸于

蓋遽投寶積壇主宗嗣玉峯雄辯大師上足雪庵講主
披雍受律葦客膝之居一無得言澹泊虛懷研究竺墳
審諦真理八載間冰蘖無改其始終之如此其弟亦為
僧曰祖孔赴京勤事

帝師法旨特降錚曰慧雲憫公之能也噫公之心佛而
事道履道而徇功有如此者日古年竹慈鏡高弟鑑庵
謂之曰人之所以能其道者責乎有所繼述也今吾於
此菱荊誅棘辨此一段因緣庶幾繼人之志無愧於雪
庵也吾將老矣述其事者非汝其誰仇鑑庵授殿旨而
能畢其未畢之志迺恢地而創建鐘樓列序廊廡禪樓

香積之室左右俱完四時朝夕鐘鼓喧然皆鑑庵力為之尤不愧于慧雲公之命也至正癸巳春予告老而歸岷麓之鶴莊鑑庵不遠數千里遣价抵書以慧雲創造之實錄與其重修之難未願丐文辭勒諸堅珉以圖不朽垂示方來予因考佛書其言浩瀚邈無涯涘畢有不能窮其說者竊據其要而論之不過曰明心見性則聖之道其猶以金鎔金以空合空曷嘗有毫釐之異哉苟不明乎心性觸途生滯強知生見妄執終拏有若布網羅者徒自疲迫而已且建寺造像供佛飯僧培因感果成已利人儆明無住之理斯亦修而無修為而無

為至於功緒洞達圖融交澈同濟妙道豈不題歟予嘗
勉應諸山上人之請矣茲於鑑庵也容諫為乎遂披其
槩而叙之仍繫以銘其辭曰

層樓縹緲雲蔥籠 金碧晃耀填青紅 魏之浩、出

林表 宛若幻化誰能窮 剗仄載在樂今古 巖有

祥光互吞吐 □□□□□□□□□□□□□□□□

□□高飛瀑布泉 簾珠煤爛斷復連 銷金憂玉

協宮徵 快心盈耳音涼然 猗歟慧雲解□□空

谷□□□□□□□□□□□□□□□□□□□□□□

□ 嗣音主山真好事 鑑庵繼述誠無貳 洪音一

振千雲樓 文室□□□□思 鏗庵坐欬忘心齋

□□□□虛□□□□□□□□□□□□□□□□

□□

至正十三年歲次癸巳冬至日 滇海盤坤山

比丘聞□□書

通□縣石匠□□誠刊

太守段公增添大圓濟禪苑常住元勳記 正古

石長三尺八寸五分寬一尺
元勳三十一行行三十七六字

勤齋后人清逸先生楊泰子亨撰

趙州知州 齋段信直祥篆額

復齋文敏先生楊惠書身

蓋以 信施率作方崇於道本福基禪慧圓修徑登於

祖宗 佛地予以報

九重神 口于以資諸有生需財法交馳願言斯啓有大

檀越

宣授奉訓大夫趙州牧段信直賢世襲南中土守累沐

北闕恩光慨圓濟之□方惟故理之禪苑延請於山
舟長老遵與於百丈芳規袖子雲珠戒牒永潔盡是
湖山龍象無非佛法棟梁家國以之又寧兩場因
而和暢制增其舊景運惟新慮於歲月遷延致于時世
殊異條段莊之壞地具載寺之碑陰起于證文陳厥誠
款愚謂信爲方行之首施唯六度之初有布金贖園
捨樹供佛者良有以也然涅槃妙理教外單□迦迦
業得於能仁達磨授於震旦枝分手五派直指乎一
心雲南始建之宗惟忠親傳於李□順故理別立之旨
法明密付於施頭陀祖祖相傳心心相印二宗之前

逸肆異悟入之根器迺全世系祇承子不重叙所謂根
深而蒂固源遠而流長矣至如蒼山秀色洱水潮音元
鳥步華白雲覆嶂則具大眼目者咸悉見知凡設茶食
飯運水搬柴肅整於三千威儀全歸於摩訶般若嗚呼
元亨之後心法寢微有所知歸得其粗意迄于至治辛
酉僅歷二百餘年 山舟為之寒心 清規以選 佛
殿公因而外護增常住以供需苟非般若宿薰焉顯大
家手段履斯道而生 佛不二住斯堂而寂照互融大
用現前自他無異然則尋枝摘葉之輩握土弄泥之徒
無入而不自得也施行無施之施修契無修之修攝入

寶相元門名為清 常住化洽於 絃界趣善覺於森
森迷沆頓息妄緣同圓法性者矣昔至正龍集甲午孟
春 澣良日

奉訓大夫趙州知州段信直賢等立石

重修宣聖廟記 王古頌篆書

碑高八尺每寬三尺一十二分
共二十四行每行六十字陸西宜刊

延安鄉首進士任惟孝撰

前環州儒學正白好義書

崇聖人之道以興學校之教者必達時務之要者也
自古惟聖人為天下之表儀惟學校為風化之原本故
治世之法必出於聖人禮義之興□□□□為守令
者固不可不知也吾夫子當衰周之際天縱生知金聲
玉振集羣聖之大成為百王之典禮人知其則詩正樂
而不知其道斯民之性情□□□□所知其繫周易

作春秋而不知其原義文之心於卦畫嚴褒貶之義於
名分知其序書述禮而不知其明帝王之道以全上下
恭敬之禮則宰我□□□□於夫子賢於堯舜有若
以為聖人出於其類授乎其華自生民以來未有盛於
孔子豈徒云哉宜川古咸寧郡元魏改為丹州或以丹
石為名或以□□□□未詳孰是然邑之山明水秀物
阜民殷世有文雅之風馬關雞回秦晉要衝又為天險
之地金末城中祠宇反墟無遺逮我

皇元至元乙酉縣尹李宥始建文廟於治之西後來者
雖名葺理因仍苟簡而已至正壬辰正月真定劉侯士

涇來軍是縣下車之日恭謁宣聖□□□□存丹青
剝落棟梁雖安而風竦漏則知在牙鼠角為患於前輩
飛鳥革失望於後者久矣乃慨然自任咨其僚屬必欲
修整首□傳金以資經營□□□□然富者願輸其
財貧者思效其力土木一技之能無不欲贊其美特以
汝賴金高盜賊紛熾調發橫坐未克如志乃於走年七
月先構□□講堂□□□□齊開者六為師生潛修
之所又以官地碓西畝後民田一區築室間者三度者
二為主教者居處之宅越三年甲午乃重修正殿柱之
欹者正之棟之□□□之楠之摧者理之棧之朽者易

之加以琉璃之獸數以駕眺之瓦丹戶瑣牕朱楹亦壁
馬又一新兩廡直建中門形接勢合乃壘乃繪乃檻乃
□□□□□□無適宜以定四聖公光賢後儒之次馬
又起凌霄門於中門外內翼之以左右思恭致敬之室
為時發報本之端馬興工於仲春中旬畢事於□□□
□□□廡土煉剛厥位面陽厥材孔良蔚然為禮樂教
化之先者矣昔者文翁興學於蜀昌黎延師於朔卒能
俾蜀之化同齊魯潮之人有大行卓茂□□□□□□
之宰於中年以致人不忍欺政有三異則二子之善著
於一時二公之賢訓及百世今劉侯之尹宜川既修大

廟以尊聖人又興學校以教□□□□□□□□□□務之俊
傑矣宜川後進能因侯之用心志聖人之所學教知格
物以明理孝弟忠信以成德自四書而六經由一身而
萬務必以誠敬為入□□□□□□□□□□以造乎聖賢之
間域□□□□則他□□□□學問顯者於獨善兼善
也何有至此益知劉侯之功為大文粹卓魯豈得世尊
其美哉監縣公保童□□□□將命刻諸堅珉以傳不
朽予雖不□□□□辭若夫侯之聽訟決獄濟人利物
崇三皇之廟樓晨夕之鐘善及於民者未易以志數於
是乎書

至正十四年四月望日謹記

延安路宜川縣儒學教諭費士衡

延安路宜

川縣典史孫□

延安路宜川縣尉尉□□

進義副尉延安路宜川縣主簿屠克己

徵事郎延安路宜川縣尹兼管本縣諸軍與會勸

農事劉士澄

延安路宜川縣達魯花赤兼管本縣諸軍與會勸

農事保童立石

□中大夫延安路總管兼本路諸軍與會總管管

內勸農事黑

元延安路重修宣聖廟記四

晉寧鎮靖明惠夫人忠烈廟記 行書

石長四尺八寸五分寬二尺七寸五分二十一行行四十一字

登仕郎大常博士素嚴賈賁撰

奉訓大夫中慶路同知事伯顏卜花篆額

夫人姓楊氏諱娘字叔賢父毅晉武帝以為南蠻校尉
寧州刺史領雲南三十七部甚著威惠卒于官夫人生
而明敏性識剛毅綽有父風父沒群蠻皆叛救援莫至
衆推

夫人領寧州事嬰城固守城中糧盡掘鼠糞草木而
食夫人志氣愈厲親操甲冑俟蠻稍怠輒出擊之蠻兵

敗走終得保完首曰以夫人為寧州刺史南蠻校尉嗣
父統三十七部在職三十餘年群夷懾服州民肅安境
內清宴終於州任百姓哀歸若喪考妣相與立廟歲時
致祭水旱疫癘禱之必應隋開皇中刺史梁毘奏于隋
朝封鎮夫人自斯禱請愈崇唐武德元年以璽弘達為
寧州刺史會群蠻叛圍城弘達禱於祠是夜風雨晦
冥蠻兵驚亂因而擊之大消州境遂平弘達上其事于
朝請加封鎮靖明惠夫人自後靈響非一開元初賜其
廟額曰

忠烈之廟我

皇元奄有天下八荒寧謐六詔皆為郡縣立行省以鎮之廟祀仍舊至順二年以河東牛公光祖為衆知政事公嘆曰神本以功業著忠真烈之德明忠英烈廟食於斯今愚民不知禮義男女污雜以為淫祀豈不哀哉負神多矣今歆刻諸堅石以明神之英烈以禁男女之淫亂以明愚民之淫祀豈不美哉遂遣使不遠千里特求文於予辭不獲命以表牛公之用心謹按神之內傳編而次之以明愚民之淫祀明夫人之忠烈且按祀典有功於民則祀之姑以斯言以昭神佑以垂不朽謹繫之以辭曰

遜能剛烈 荒夷聽令 寬而不弛 遊陬寧晏 奕
陌入安 兵伍修整 遺惠在民 立祠奉祭 兩加
封爵 忠烈廟陳 水旱有禱 惠乃邦人 有功則
祀 實載典墳 禁彼淫祭 辯正是圖 福我邦家
靖此極邊 垂之金石 何千萬年

皆至正十四年歲次甲午孟夏良日本州土官高
鑑 將仕郎

將仕佐郎晉寧州判官何敏立石吏目楊生燕智
滇城香山寺住持沙門鑑白中書 中慶張情刻
本州金海寺管僧長老蘇義燕惠 前長老李善

孫宗 山寺 杖點 李世 庫主 趙永 廟主 杜長

杜昇

龍門重修神禹廟記行書

碑長六尺五寸第三尺三寸
共二十七行每行五十二字陝西栒城

前庄浪文學掾同州訓道芝巖李克敏謹記

承事郎奉元路解城縣尹兼管本縣諸軍與魯勸農
事裴時靜書丹

奉訓大夫奉元路同州遠魯花亦兼管本州諸軍與
魯勸農事百嘉納篆額

惟有天下之大聖可當天下之大事凡欲建其事之大
成其功之偉者不有大聖人出孰能與於此昔在

帝堯之世洪水橫流氾濫於天下懷山襄陵民遭昏洪

之厄非

神禹開鑿疏通之勤生民其為魚鱉久矣可得奠居而
粒食者哉考虞史及傳所稱

禹來曰載決九州距

四海平水土八年於外雨沐風柳手斫足胼可謂勤且
勞矣故其成功也如此其大西韓龍門之地山崇石竦
水悍湍奔河流東於兩崖之間聲如萬雷震蕩天地望
之使人心掉股慄發豎冠衝慄慄然危懼迺天下之至
險也又密迤冀都 禹之施功於是芳龍瀕河西壩
負山面水舊有 禹廟存焉祀以振功勳於道宮道
家者流併主之蓋前修羽人成若退經營於至元年間

距于今七八十年矣奈物換星移風凌雨剝未能免於
傾圮至正癸巳冬臺委同州監郡百嘉納奉訓公巡行
禹渡經涉於此稅駕祝香於廟惻茲殘壞率唱韓邑縣
侯馬馬舍令尹裴州靜等叶刀割金責任本宮主者苗
德澤重為善理承命惟謹脩材鳩工剔其蠹而更其新
補其弊而完其缺以至戶牖之丹墀埽除之粒甃甍瓦
道宮元元殿宇固不從而修飾之輪然奕然通副來者
之觀瞻也經畫於其年冬至次年夏四月告厥歲功嗚
呼微昔之人莫能修之於前惟我監郡誰能繼之於後
亦有本邑賢大夫與主事之道流又能肅其事竣其功

咸可尚也己若夫

大禹修六府利民之用別九州遂民之生加以揖遜而得天下授受而繼道統至德丕績見之簡牘不勝其載焉家夫復何言今奉訓公進士出身讀聖人書仰聖人德豈不知

大禹為百世當祀之聖故以葺修廟宇而伐其勞乎然嘗葺始終之歲月董督役作之姓名不可不勒於石以薦後之君子至正十有四季龍集甲午仲夏既望

汾陰崇仁坊孫德明刊

本院尊宿提點保光大師雷德輝 院門提筆喬

道徽 解善良 張善安

本渡把河提領梁忠進 前司吏賀肅

鳩金督工司吏賈瑞 王仲 奉元路史崇允恭

司吏強榮 馬思敬 楊敏 杜昌 張登 劉

宗 姬恭敏 李副 陝敬忠 尉吏張克己

奉元路韓城縣典史孟居仁

奉元路韓城縣尉王從仁

孫仁佐即奉元路韓城縣主簿祁行簡

從仕即奉元路前韓城縣尹兼晉本縣諸軍典魯

勸農事趙壽

徵事郎奉元路韓城縣達魯花赤兼管本縣諸軍
奧魯勸農事馬舍

杭州路重建廟學之碑正書

碑長九尺八寸五分寬五尺九寸
共三十一行每行五十二字

承務郎江澍等處儒學提舉王大本為文

光祿大夫江澍等處行中書省平章政事提調行宣
政院事江澍都財賦事康里慶童書

通議大夫江東建康道肅政廉訪使周伯琦篆額

皇元既屋宋社稷大一統而臣萬方置江澍行中書省
于杭以鎮撫其民而封建厥福乃即宋京學為杭州路
儒學而省憲率群有司以告朔誥謝於斯以春秋釋奠
於斯以育才羞者而興賢論秀於斯於是杭學遂為一

行省首善之地而非他路儒學所可昆弟語矣自時厥
後有廢有興或仍其舊貫或因而改爲其規制位置猶
未克丕變視雄藩大閫外執政之居命之教而爲學者
爲弗稱不有君子其孰能立隆教基於虐燄灼天之後
作新士氣爲儒林披萃之舉乎至正十有二年弄兵之
盜濫觴于河南而橫流於江表既三閩不守直拒杭城
待暴不豫民無固志遂焚蕩我省治延燎我比閭而杭
之廟學燬焉曾無一瓦之覆簾業寔於煨燼石經委諸
莫土屬戎務方殷未遑興復士類無所依歸彝倫失厥
攸叙石傾而復圮柱而崇所以默相斯文者天意固有

所屬矣

朝廷以杭寔東南甲郡把大人衆供給浩繁師帥之重
每慎厥選十又三年癸巳之冬

制授中大夫杭州路總管廉里公寔來既視篆釐務作
而言曰興舉學校承流宣化之大者也其可諉以百姓
新免毒蠱瘡疾未瘳而謙讓未遑乎既以其事具積行
省移大憲司示不敢專遂經始度地略丈數物土方揣
高卑謀遠邇左廟右學一循國學之制攻位而位成乃
量功命日須材計條處財用儲餼糧適工師量事期以
令設于有司首建禮殿尊祀

先聖先師東西兩廡從祀位焉丹楹刻桷清廟有嚴金
檮朱扉戟門斯闕煥前規而高廣宏壯視舊址而恢廓
平寬信乎垂憲萬世賢於堯舜人存政舉道隆則從而
隆者矣先是外之石靈星門距戟門為不遠至是則徙
遷而南其深八丈有奇由公買地以拓充之也若夫學
校之建則明倫之堂宏敞高亮以隆迪教講道之原設
大小學四齋以嚴授業辨惑之會庖湏有所倉庾有居
先賢后土有祠來而見賓有門中唐有覺泮水有梁而
學校之制大備焉蓋經始於十四年之五月而落成於
明年之五月是役也行省憲司咸樂善以成其美倡義

以佐其貴同寅協恭懋相斯役府判官張公思誠則又
爰始爰謀為之矩矱而與其規程也予謂郡縣有學
必有廟而杭之廟學乃卓犖輪奐於極廢大壞之後一
時擇老之宮燬於回祿者眾矣其徒志力化誘皆蓄縮
弗克有為賢太守杭志作新卓：自任學計幾何而能
化約而裕多助之至非有福田利益以散勸之也信乎
聖人之神於昭在上如日月麗天照臨之下莫不心開
目明樂成其美先師有相之道則五星之芒寒色正者
也東委好德固人之所同人道敏政地道敏樹於賢太
守之有淑有為良足徵焉公名帖木列思字周賢康里

氏故平章軍 國事贈純誠佐理同德翊戴功臣追封
東平王之孫陝西行中書省平章政事忠定公之子世
篤忠貞勲業行實載在 國史公累遷清要而居是任
觀其勇於見義樹功吾道而克濟其美淵源有自來矣
杭之人士相與言曰是舉也官無廢事民不知役而吾
黨與有光焉其可無述以教公功乃斲石樹碑以圖不
朽予寔提學江潮徵予文以志之不敢以庸陋辭繫之
詩曰

維昔盛時

建學立師

以立治本

以崇化基

學

必有廟

韋嚴絜祀

重簷複殿

神靈爰處

東南

都會 甲郡惟杭 首善之地 萬民之望 更化云
初 未遑改作 因陋既久 靡究靡度 斯學斯廟
具體而微 廢興殊致 倚伏一機 變生不虞
竟燬于盜 煨燼及寒 孰念厥紹 天錫賢侯 維
蕃維宣 嘉惠斯文 不忘不愆 乃亨其七 乃傾
其否 瓦礫之場 化而棟宇 昔黯今煥 昔圯今
崇 多士稽首 太守之功 我為銘詩 勒此貞石
宣昭義聞 永無斁

至正十五年 月 日 杭州路同知朵羅多治
成大用判官張思誠推官楊維經歷王明善知事

丁鉞照磨解復郡史楊迪郎吟沈博王惟賢吳天
瑞東南錄事達魯花杰阿老瓦丁吏完顏本仁教
授賈天祐學正胡黼學錄楊英直學鄒斯永學史
計尚疇夏文裕立

高平范伯仁鐫

蒲城義門王氏先塋碑銘有序 正書

碑長九尺五寸寬四尺六寸
行每行六十五字陝西蒲城

翰林學士承旨光祿大夫知制誥兼備國史

冀郡歐陽元撰

奉訓大夫兵部員外郎臨川危素書

中奉大夫河南江北等處行中書省參知政事宛邱

趙期頤篆題

蒲城王訥以其家七世同居事狀來京師謁元銘其事
於先塋覆牲之石庶俾其後人歲時展省墓下有所興
慕勿替其先訓焉元適其義叙而銘諸叙曰王氏世居

關中之蒲城漢景置殺柵縣即其地也其先自五季末
已五世同居至金元光間更無族蕩析後有府君諱毅
幸餘四十始子□以□已乃有家生子□政善治生寢
餽于菽而性寬易好施未嘗放利專欲兼致鄉曲善譽
有子五人曰恩曰志曰恕曰忠曰惠其資淵均如一家
居力田不事閭達父嘗命之曰吾先人以孝義同居名
于鄉汝曹異時毋分財產以墜先猷由是兄弟同處
恪守父訓恩生璧璽興志生瑜恕生瑄瑒琪忠生瑋
琛琇惠生理瑛瑤初從十有四人同處若初辟璽瑛瑄
琪琛琇務農瑜瑒瑋瑒瑛業儒一曰志謂其弟忠

曰吾家子弟衆多豈無才器可爲王官者生遭□時終
歲家食何以自拔齊民乃令瑋從執齋劉先生學學成
資之入京遂以廉靜峭直受知中朝指紳仕至奉議大
夫行宣政院經歷一時交游多名公卿燁然有聲梁雍
間父忠以瑋貴推恩承德郎鳳翔府判官□則□□亦
至將仕郎延安路知事琦辟吐蕃宣慰使司掾獨不就
琛拯家政畢力生殖里有貸資貧不能康進進□券王
氏家日益豐內無閒言外無怨讟琛力居多理好客親
賢門多冠蓋辟重無子璵生詳瑜生誠諒瑄生詢訓誨
謙瑀生諧誼琪生詒訥諱琦生讚瑋生訥諱琛生

詩謀琇生議說講理生謙瑛生諾誦誼瑤生謹調再從
凡廿有七人其間務德安土生聚相守者居半諒諾嘗
為儒官議詔累舉鄉貢士訥以門功主澄城簿用才諤
稱翁季不以己貴稍銜其車服之威于家有萬石君家
濳焉德辟羣昌帥府行人若謙若訓若謹若誥若說新
詩誼諫皆習經史詩尤博雅相與潤色其門庭延祐甲
有司以其五世同居聞于朝申命所屬旌其門惠文
揚公顯其額曰蒲城孝義之口縣長貳對石縣門書王
氏孝弟以興民謀天歷初旌以六世尋上其事載之

皇朝經世大典今二十餘年又加一世矣其先登在

邑之□相原南廣□二頃先代卒葬歲月不能悉書嗚呼自秦廢井地開阡陌宗子濂不得獨存於是唐虞比屋可封之俗無復多見於當世岐豐之民幸有成周遺風不為秦漢廢壞其善性觀蒲城王氏由五季涉宋金至于今將四百餘載父祖子孫家庭告語不忘其先世同居之誼可謂難矣且五閭多故之世也王氏已能同后于斯時金季亦嘗亂之秋王氏以熒熒之身當甫定之際僅及再傳兄弟漸多儉勤自將生業隨振即思追復先世善行造物者相之使終遂其志以至一門數千指之衆屢見表異於熙朝非俗之美疇克臻茲秦無

衣之詩說詩者以為雍州土厚水深其民質直勇悍周
人用之以興二南之化秦人用之以成強兵力農之業
愚則曰此其本俗之好義非特好勇而樂鬪也為是詩
者設為之辭以言同袍同裳於無事之時未若偕作偕
行於師興之日斯足以為義也其義施諸朋友且爾况
同氣乎蓋能同患難則可以同安樂其王氏先世之謂
歟周禮地官以本俗安萬民一曰媯宮室二曰族墳墓
三曰聯兄弟媯宮室所以同其生族墳墓所以同其死
聯兄弟所以同其義豈非周官之良濬實有以維持其
善俗乎王氏□□以列其奕世同居之美而特銘之先

塋焉為之賦秦風之同祀考周官之族葬而銘之曰
東仁西義天道之常漢置校祠西周故疆允矣王氏□
厥□俗尚義同居七世彌為 皇錫民訓惟義之程表
厥宅里有覺其闕興居有時出入有節朝夕所由於此
振臬庖靡異膳粟靡私藏有酒有祿同為黍嘗或庶先
塋中序□□邱壠成行□□相望乃徵博史請述以文
詒厥耒衷迪求前聞吁嗟王氏昔在五季同居者稱亦
既五世迨金元光物改時變毅也來歸不絕如絃我
光煦育居室始□政也單傳生計孔艱雖則孔藉不年
不侵生五男子寔同一心維五男子服膺父訓兄弟同

居身屋俱潤神介之福有孫有曾蕃衍盛大如川之增
播彼先疇□彼先廬載菑載金載拮載据□于力耕出
于力學銜艾既豐丹塗斯涅固蒂深根楊英舒翹今也
王氏非復墻僮人亦有言□鳩匪安同患不易同樂尤
難我告王氏□爾羣從辨厥内外外輕內重內重維何
維義之從率是而行用充厥宗已謀勿哀婦言勿裏勿
以暴貴加厥宗子博史勒銘以頌以規王氏濟美左券
在茲宮碑差哉松柏鬱蒼百世其□□□銘

至正十五年戊子月壬辰立石

彭衙樊仲祥并男樊□質樊居仁

刻

書史會要期頤字子奇汴梁人官至陝西行臺治書
工于篆六研齋筆記期頤篆迹渾樸高古以禹碑周
鼓為宗無一筆似陽冰

關中金石記

清陽宮誌 行書類家書法也感字

世無前代司在石行其堂

中統建元之初龍飛九五東浙西彼四海同文琳宮秘
宇隨方肇建清人寂士十百為居嵩棲谷隱木食澗飲
怡然若陸氏之世元風大振始時有宗師清真廣德真
人實守信率門人宋志希等輩荷畚鍤力重建古清陽
宮為祝誦之一區耕鑿桑麻沃壤千畝有奇接托水輪
碾磨以待羽客饘粥之贍僅百年公憑契券為恐異世
變故地水火風湮沒無聞刻諸瑣石以傳永久清陽宮
住持宗門提點通元子賀道榮謹識

大元至正十六年丙申冬十二月上吉日提點安
真子元道義

提舉純真子張道靜立石

何太古慈恩塔題名 兼白書

與宋王評題名同在

一石二行共十八字廣而長

至正十七年仲夏中旬五日古雅何太古遊觀

妙觀和尚道行碑銘

行書類篆書

碑長一丈二尺七寸五分而刻皆十七行行三十八字四十五字不等

謀經論沙門□蒼山溪海□□護撰并書

亞中大夫大理路軍民總管段信苴功篆額

師天水趙氏諱定錚妙觀

上賜也其先理人元祖曰國興安家音律甚寵過滇牧
高允延居善閑褒□布爽之職興生祥充選官祥生昇
三子師其長也曰恭至元丁巳七月十二日母將誕
夕有彌罔萌筆之夢兆及甫冠有閑達之童妙冷倫能
書教乙酉年錚親授玉按節竺寺

寶集壇主嫡嗣雄辯大師而祝髮焉遂習圓覺四絕博
通內外乃与母夢而信然也 先師欽

制宣教諭引南荒師次以廣布法化滇始有闡大教之
漸也辛卯奉師勸母登緇乃飛錫蒼嶺元帥信苴忠請
閱藏於再光寺而誦習尤勵教載足不戶外大德已亥
春遊水目雲棲望風亦感講首楞嚴感金甲冒者現身
護法遂集楞嚴纂要註十卷講金剛經盈會咸覩白光
輪菌而般輝于速即譯金剛方語集解兩本有或者德
夢峰密幽邃非恒所見中夜寶宇俄有一老者出方浴
其所尸老者曰慈氏菩薩口既而廓尔見師獨在不及

語而寤癸卯秋明威段公政復遊居再光洎圓濟宮亦
集淨土道場儀兩卷并鑿賢剗千佛名經板至大戊□
愍□而之中慶因過燕雲游僧淵講師：率首請開華
嚴大疏自此大教始翕然比華之盛也至大庚戌年母
三殯遂遵禮葬之明年朔威公委弟信直賢即令八伯
司副使奉訓公也備馭迎還于理請尸崇恩寺開華嚴
就刪定華嚴心鏡兩卷皇凌壬子中奉叅政段公慶請
分席於感通清涼臺再肆華嚴大疏仍造元談輔翼八
卷外集三卷捐已貳伍阡索穀百□□□□□常住九
學完一卷□□表□而□之嘉大教之流布也理近有

僧門之傑者如鑑無照□雪溪道元峰智愚溪□尊宿
師門之所出也雖名公鉅卿莫不登門而歎服尊嚴而
喜施洎于四方獻納者未嘗弭馬延祐甲寅捐衣去食
新吉祥殿繪華嚴法界圖揮金鑲碧葺成具體以付高
弟德雲公住之丙辰年下碧峰重新舊制頗有綸緒亦
命德雲公分領之伴妙峰呂恢衆事師前後凡選名剎
凡增禪滇洱諸山常住者茲不贊焉明年還中慶寓覺
照寺至治癸亥春示疾進藥石者如林師拒而告曰吾
歸當月二果至三月二日午端然逝也春秋耳順有八
僧臘三十有九滇省左轄阿昔思公由靖宣慰使按封

前憲簽中慶路總管張元庭等躬主喪事留龕三日哀
挽奠于商山之原舍利堂然于荼毘之火覩者悽歎欣
踊如師再世三公乃舍利於理理閩郡人哭泣仰瞻
盡敬且慕若與師復面會也德雲公塔舍利于金相南
扁設大會以慶其事妙峰十四年間美觀舉至順壬
辰將之抗德雲公克振師經始之志以致大成至正庚
寅妙峰迴錫于趙州華嚴乃慨然與德雲公而謀曰師
其行跡光且大使後世不昭、而見之殆非負法乳之
罪歟乃然之捐貲樹石命予書其一二予師之裔也雖
不及昇於師堂亦蒙被其餘烈馬用辭嘗論之行為道

本有其行而大道以隆教藉人宏捨其教而至人莫顯
蓋根乎智發乎悲窮其理盡其性始感人如此也然彼
金甲之銜白光之凝者德之夢兆舍利之瑩然者唯神
而明之非人之所能議師道之驗在茲乎然惜予無長
扛巨筆以發揚妙觀之正眼正眼則何彼何此非色非
空豈金甲白光舍利夢兆之形容者哉且夫師之風軌
微德雲無以續師法乳恩微妙峰無以張予乃稽首而

銘曰

大道淵源 惟師獨挹 義空象忘 筌蹄莫翳 蒼

山岸萃 師行堅密 河水連漪 師道清漪 金甲

白光 詣理驗術 名公士庶 傾心共禱 耳順有
餘 大事已畢 刻大珠圓 滇洱輝奕 金相遺風
德雲乃繼 妙觀正眼 孰能以筆 師法乳恩
莫報其一 茲惟妙峰 請以書石

至正歲次丁酉菊月吉日門弟金相前往持妙峯
妙善立石

石匠提領楊明刻

○正庚○國子○試○名記正書額錄書

碑連額約長九尺餘寬三尺二寸五分二十五行行六十一字

前國子祭酒張景撰

國

列名進士

□□
已亥當

郡縣□□士之江徙□客□□

則議者□材本以待士而限貫□使不

得自見非廣求賢之道也乃約
□□□□□□□□

□□□□□□□□移春官□□
□□□□□□□□

定取四色進士合京額為三十五人□試生仍舊制
中書以聞

詔□□□□□□□□寒雋作士氣而彌

□文甚盛舉也□國子生由鄉貢第者又廿一□□□□
□□□□

祖宗建學立□迄今一百八十有七年 累朝□□□□

□□□□先後輩出彬々然題名可識也矧比季來選

時多難諸君子天下事固精思熟策宜有文武長才出
其間用濟斯世以報 國家光前修為□□□□□□

□達為可羞使來者觀之而喟曰大學有人如是哉則

題名不徒記矣不辱師也故書以論之

正榜

蒙古

五

兒字達道

虎

□

脫

□溥化

字元善
羅袖

脫

歡

字企顏
乃臺

溥顏中

必禮圖

字善道
乃臺

色目

仲

保

字斯道
圖兀

當閣

字存善

普顏不花

字

□

□

明理

字

畏兀

□

壽

山字

伯

顏

字希回

漢人

郭永錫

字九疇
永嘉

張鳴鶴

字
臯

王德芳

字

□

祀字

陶志仁

字唯善
□
□

孔

□
□

字

副榜

蒙古

寺衆帖木兒

字

關

奴字

□

位字

希篤吉

字
□

色目

□
□
理字

同

□
字
唐凡
□

□□□□

法達忽刺字彦德
宿易

漢人

余

植

字士立
平州

蒙大舉

字□□□

□□□□

字

李以約

字□□□

王

琬

字之文
各陽

機

字

走

字

字□□

張海

字大
趙州

王宗

字

劉

興

字□□
孫

王升

字

建感通峨嵋蘭若記

行書

石長四尺二寸五分寬二尺四寸十六行行五十字

講經論沙門感通山住持澳海念菴國護文并書丹
蒼山梵宇之中者感通也感通勝處茲之為家住僧曰
岩妙山周鑑堂父子也其先布髮段正正而上六理之
著矣岩之師吳僧月峰也周之師宗主雪庭也岩周俱
履勝道亦外行不辜既退難筌洎三聖之法席於秦定
甲子改元春方感願卜基于此乃謂于路侯段中奉曰
可謀于院僧者德曰然明年春遂捨衣孟募人力兼躬
鋤日無虛工雖魚手刈之而不以為憚只圖其成矣東

面卧木砌石南北削高就下延袤二百步之平美景曰
出規模益壯青龍注泉應于經始也構正殿通程丈
二尺五級廣六均中位普賢願王內圍壽光藥師并列
北普外像水月圓通入法界會苑金□碧交暎奪目盡
其巧也輦飛而軒迴廊而袖南廊檀施段生瑞也雲連
耳牆門棲神□積香有儲設有康永資有田驅使有戶
允宜用者不似誦習區諸部雜花警者有鐘磬鏡鉢又
徑南陟于後崗創大室三楹為□□花木泉石咸稱幽
雅且從本尊而局焉闕若干載而落于至正戊戌春是
歲路辰故亞中請余住持本山周極堂余法屬也□求

其事或曰善賢如空依真而住斯之區區何理之有
又大聖化跡實徧大域茲之名之矣為恆當夫我口願
王周法界恆生口道之一柯莫存容之萬法俱在遂通
感惠普現色才恢至小以示莊思攬大千而歸毫末其
上智猶迷彼淺識者惡能窺其彷彿者也矧乃入斯門
也洱河橫紅海之深蒼嶺展顏林之廣文殊法界峙崖
右之落屏感通招提列食前之方文冠法信珮清華標
白雲帶磨澱日其心與境冥理與神會允其況毅悍擊
之性者漸化矣噲二公之志豈小補哉亦足以祝

上聖 福生民此結脩之大端也由所謂勝而最之者

其惟在乎是

普賢山寺基界址書記於右東至五祖亭南至路
水溝西至寶慶山龍首下北至青華山禪堂後□
□為界

大功德大通奉大夫遙授雲南行省叅知政事大理
總軍民總管段信苴功篆額

至正庚戌孟冬吉日住山比丘釋性周立石

揚提領明錫